

Date – 20/02/2025

Time - 18:30 -18:40Hrs

REGIONAL NEWS BULLETIN

HEADLINES (EVENING)

1. Vawiin, Mizoram State din champhaphak vawi 38-na chu Mizoram pumah ram tana a huho a tawngtai 'State Day of Prayer' hun atana hman a ni.
2. Labour & Employment changtu Union Minister of State Pi Shobha Karandlaje-i chuan sorkar laipui-in Lengpui tumhmun chu changtlung zawkin a siam dawn niin a sawi.
3. BJP MLA Rekha Gupta chu Delhi Chief Minister atan vawiin khan lakluh a ni.
4. Prime Minister Internship Scheme (PMIS) dil duh tan a thawh hnihna hun hawn mek a ni.



STATE DAY OF PRAYER

Vawiin, Mizoram State din champhaphak vawi 38-na chu Mizoram pumah ram tana a huho a tawngtai 'State Day of Prayer' hun atana hman a ni.

Hemi ni pual hian Mizoram hmun hrang hrangah pawl, party leh kohhran bik awm lovin ram tana tawngtaina hman a ni a. A hmanna pui ber Aizawl Lamual-ah chuan chawhma atang khan hman niin, ram tana tawngtaina turin mipui tam tak an kal khawm a. Thupui awmsa 'I ram lo thleng rawh se' tih hmanga tawngtai rual a nih bakah kohhran hrang hrang atangin zaipawl sang chuang in hla an rem a ni. Ram tana tawngtai rualna hunah hian Chief Minister Pu Lalduhoma'n thu sawiin, Mizoram chuan minister, MLA, sorkar hnathawkte Pathian hma a tawngtai thin mi a mamawh a. Mizoram tan mai ni lo, India ram tan pawh tawngtai a, he ram hi tha tak leh inngeih tlang taka a awm zel theih na'n Zoram mipui te tawngtaisak turin a sawm a ni. Pu Lalduhoma chuan ramin Pathiana harh tharna a chan ngun em em laiin, ram rorelna a thleng zo lo a, suahsualna a tla hniam thei lo a, lungin tang an tlem phah lo a ni, a ti.

Ram anga tundin thar lehna tur chuan beiseina neih a ngai a, sualna avanga thim thuah hnih thuah thum pawh a pumpelh theih niin a sawi a. Zoramin a mamawh hmasa ber chu hmasawinna ni lovin, a ram leh a felna zawn hmasak a ngai hmasa tiin, chumi atana Pathian hmanraw langsar zual te chu kohhran te, NGO-te leh Sorkar te an ni a ti a. He'ng rawngbawlina-te hi inthlan leh huna tlak hlauh vangte, lar duh vang te, hamthatna duh vang te-a he rawngbawlina hi thawk kan ni tih inenchian a ngai a ni a ti.

Pu Lalduhom chuan an sorkar-ah a ram leh a felna an zawn hmasak avangin hlawhtlinna a pe mek a, corruption chu bo vek lo mahse a thawm a dai tan niin a sawi a. Officer tang laite, chawl tawh an chanvo chin aia tam kawlrute'n anmahni thuin an rawn kir leh a, rukrukna leh puipun nii a zurui leh insual buai pawh a tlahniam a, sorkar hnathawkte a hun takah pisa an thleng a, work culture pawh a inthlak mek a ni a ti. Project Monitoring Committee-a Party, kohhran leh NGO aiawh a telte'n Mizorama project zawng zawng te a dikin a thain a tlo tur a ni tiin an vil mek a, doctor 60 rualin an mahni thuin non-practicing allowance lak an tum tawh lo a, thil tha a thleng mek a ni a ti.

Prime Minister Narendra Modi chuan Mizoram mipui chu state day pualin chibai a buk a. Mizoram chu ram mawi tak mai leh nunphung hausa, a chhunga chengte pawh nelawm tak an ni a ti a. Hmasawnna kawnga chak taka kal tur leh remna leh muanna vawngchim zui zela state hmasawn leh changkang tak ni turin hun lokal leh zel tur atan duhsakna a hlan a ni. Union home minister Amit Shah pawhin state day-ah hian Mizoram mipui chibai bukin Mizoram chu ziarang hausa tak avanga ram pumin a chhuan a ni a ti a. Mizoram hmasawn zel tura duhsakna chu a tawngtaina ni-in a sawi.

Mizoram state puitlinga hlan kai a nih champha hi district khawpui hrang hrangah pawh tawngtaiho hmangin lawm a ni a. District bawrhsap emaw an aiawhtute telna-ah tawngtaihona hun hi hman a ni.

<><><>

GOVERNOR- STATE DAY

Larsap Gen. Vijay Kumar Singh chuan vawiin, state puitlinga Mizoram hlan kai a nih champha pualin Mizoram mipui chibai bukin duhsakna a hlan.

Larsap chuan tun ang hun February ni 20, 1987 khan Mizoram chu India ram State 23-na ni tura hlankai niin, he ni pawimawh tak hi Mizoram tana hmasawnna, remna leh hlawhtlinna tura bultanna thar duhawm tak a ni, a ti a. He ni hi tuarchhelna, inpumkhatna leh Mizo mipuite beiseina a taka chantirna leh nemnggehna a ni a. Inbiakna leh mipui thlan rorelna kaltlanga hnehna lantir niin, hemi avang hian Mizoram Inremna Thuthlung (Peace Accord) chu June ni 30, 1986 khan India Sawrkar leh Mizo National Front te chuan an ziak a; hei hi India ram chanchina inremna hlawhtling bera ni hiala ngaih a ni, a ti. General VK Singh chuan State a hlankai a nih hnuah Mizoramin zirna, hriselna, hmasawnna ruhrel siam leh nitin khawsak kawngah hmasawnna chhinchhiah tlak tak tak a nei a. Mizo hnam ziarang hausa takte, nunphung nghet tha tak bakah, lungrual leh inpawh tlang taka khawsak honate hian ram pum a fan hneh hle a ni, a ti bawk.

Sawrkar laipui ruahmanna, India ram State leh Union Territory hrang hranga chengte inkara inhriatthiamtawnna leh inpumkhatna tizual deuh deuh tura hmalakna, 'Ek Bharat Shreshtha Bharat' chungchang sawiin larsap chuan hnam hrang hrangte inkarah inunauna leh inpumkhatna siam a, India khua leh tui kan nihna tihfiah zual a tum a ni, a ti a. Hetiang a nih avang hian India khua leh tuite inpumkhatna tura hmalakna, 'Ek Bharat Shreshtha Bharat' thil tumte hre reng chungin, midangte hnam ziarang leh nunphungte inngaihven

saka inzirtawn turin mitin a sawm a. Mahni hnam ziarang leh nunphungte hloh then chuang hauh lovin hnam inpumkhatna hi a kalpui theih reng a ni, a ti a ni.

He ni chhinchhiah tlak tak lawm a nih mek mek rual hian Mizoram leh India ram chak leh hlawhtling zawk siam turin intiam thar leh theuh turin mipui a sawm a. Ram leh hnam rohlute vawngchim chung zel leh, chhuan lo la awm turte hmakhua ngai chung zelin lungrual takin hmasawinna hna thawk tlang zel turin a sawm bawk a. India rama cheng hrang hrangte hnam ziarang leh nunphungte zaha vawnghimtu mai bakah, India ram chu kum 2047-ah ram changkang leh intodelh 'Vikshit Bharat' ni tura hmalakna kawngah theihtawp chhuah theuh turin Mizoram mipui a sawm bawk a ni.

<><><>

UNION MOS

Labour & Employment changtu Union Minister of State Pi Shobha Karandlaje-i chuan sorkar laipui-in Lengpui tumhmun chu changtlung zawkin a siam dawn niin a sawi.
(Byte: Shobha Karandlaje)

Zan khat riaka Mizoram rawn tlawhtu Pi Shobha Karandlaje-i chuan wawiin khan BJP pisa-ah chanchinbumite kawmin Mizoramin buh leh bal leh thlai a tharte thlawhtheihna hmanga phurh chhuah a nih theihna atan ‘Krishi Udan’ ruahmanna hnuai-ah Lengpui thlawhna tumhmun chu tihchangtlun a nih tur thu a sawi a. Kumin chhunga kalpui tan hman a beisei thu a sawi a ni. Union Minister chuan Mizoram hmasawinna atan Central Sorkarin zirna, hriselna, lo neih, huan thlai siam, kutthemthiamte’n anmahni kutkawiha thil an siamchhuahna lam leh hmasawinna ruhrel (Infrastructure) siamna tur atan Mizoram-ah sum tam tak a pe niin a sawi a. Mipui tana hmasawinna tur Central Sorkarin sum a pekte te hi hman that a nih tawk loh avangin Mizo mipuite’n kawng hrang hrangin harsatna an tawk a ni a ti a. Mizoram a thlai thar chhuah dahthatna tur atam thei ang ber siam a pawimawh a, thlai thar chhuah dah thatna tur Cold Storage siam na tur project te pawh Central Sorkar ah a rang thei ang ber a dilna siam a pawimawh hle a, Mizoram Sorkarin chak taka hma a lak a ngai a ni a ti a ni.

Hmarchhak bial chu hnathawktu tamna ni a sawiin, heng hnathawk tu te tan hian Mizoram Sorkar hian a tam thei ang ber hnathawk thei tur a thiamna pek hi a tih tur a ni a, thalai tamtak a train tur a ni, a ti. Khawvelin a mamawh doctor leh nurse-ah te pawh nasa zawk a tanlak a ngai a, chutiang tur chuan State Sorkar hian hmalak dan a thiam a ngai a, Central chuan State tan tih tur tih loh a nei ngai lo niin a sawi a ni.

Union Minister chuan PM Scheme hrang hrang atan pawh Central Sorkar chuan a hun takah sum a pe vek thin a, hengah te hian Mizoram Sorkar chuan PM Scheme hi tha taka Mipuiin an chhawr theih na’n a huntakah a pek chhuah ve zel a ngai a. Chutiang a nih loh chuan PM Scheme kal tlanga miretheite’n hamthatna an dawn tur ang hi an dawng thei thin lova, chuvangin Mizoram mipuite hian a nih tur angin an chhawr thei dawn lo tih a sawi bawk a ni.

<><><>

GINGER

Sorkarin ruahmanna a lo siam lawk tawh angin vawiin atang hian Mizoram hmun hrang hrangah sawhthing lakkhawm, lei leh hralh tan a ni.

Sorkar dinglai intiam tawh angin vawiin hian district tina District Agricultural Marketing Committee (DAMC)-te huaihawtin sawhthing hi buaipui tan a ni a. Chief Minister Pu Lalduhoma chuan kuthnathawktuten sawhthing an hralhna tur ruahmanna fel tak siam a nih tawh thu tun hnai a ZPM Legislature Party inkhawmah a tar lang a. Sawhthing chingtute'n an thar ang ang te a bo a bang awm lo a an hralh vek tur thu a sawi. Chief minister chuan sawhthing hi a ruala chawh vek a rem loh chang a awm a nih pawhin, mipuite'n ruahmantute thu lo ngaichang thiam tura a duh thu a sawi bawk. Adviser to Chief Minister (implementation of handholding policy) Dr. KC Lalmalsawmzauva pawhin sorkarin sawhthing hralhna hmunpui Secondary Collection Centre (SCC) 66 lai district hrang hrangah a ruahman niin a lo sawi tawh a. Vawiin atang hian heng SCC cum Auction Centres-ah te hian Sawhthing lila runpui (Rs.50/- a tanga tan tur) huaihawt a nih tur thu sawiin kum 5 a vei meuh chuan heng SCC te hi mumal zawka an kal theih tawh a beisei thu a sawi a ni.

Sawhthing buaipui tur hian district tinah Local Purchase Advisory Board din a ni a, Chairman atan District Bawrhsap leh Member Secretary atan (District Agriculture Officer (DAO) leh member dangte ruat an ni. Hetih lai hian district hrang hranga primary society-te chuan SCC a sawhthing dah khawm turin hma an la bawk. SCC-ah hian supervisor ruat zel an ni a. Heng Supervisor te hian Coordinator te nen thawkhoin ruahmanna leh tul ang ang an sawiho thin dawn a. Vawiina sawhthing hralh tan ni ah hian Supervisor ten an bial theuha SCC te an tlawh a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.



DELHI

BJP MLA Rekha Gupta chu Delhi Chief Minister atan vawiin khan lakluh a ni. Rekha Gupta hi MLA-a thlan tlin anih vawi khatna a ni a. Ramlila Maidan-ah Delhi Lieutenant Governor VK Saxena chuan Chief Minister hi rinawmna thu tiamtirin a lalut a ni.

Chief Minister rual hian Cabinet Minister paruk lakluh an ni bawk. Rekha Gupta hi Delhi Assembly inthlan neih zawh takah khan Shalimar Bagh atangin thlan tlin a ni a. Politics zinkawng hi Delhi University hnuaia Daulat Ram College atangin ABVP member niin kum 1992 ah bul a tan a. Delhi University Students' Union President a ni tawh a. Delhi BJP Mohila Morcha ah General Secretary a ni tawh bawk a ni.

Vawiin lakluh inkhawmah hain Prime Minister Narendra Modi, Union Home Minister Amit Shah leh Defence Minister Rajnath Singh bakah Union

Minister thahnem tak an tel a. State 20 vel atangin Chief Minister leh Deputy Chief Minister te an tel dawn bawk a ni.

<><><>

PMIS

Prime Minister Internship Scheme (PMIS) dil duh tan a thawh hnihna hun hawn mek a ni a. Thawh khatnaah khan dilna nuai ruk chuang a lut a. Thawh hnihnaah hian ramchhunga company lian tak tak atangin internship ti duh tan hmun ruak nuai 1 chuang siam a ni.

Union Corporate Affairs ministry sawidanin Oil,Gas, Energy, Banking leh Financial Service, Travel and Hospitality, Automotive leh compangy hrang hrang 300 chuangin thalaite tan remchang an siamsak a. Thawh hnihnaah hian tum khatah internship hi hmun thumah an ti thei a ni.

<><><>